



Broj predmeta: 05-000490/21
Broj akta: 01.11-0323SR-126/23
Datum, 22.11.2023. godine
Mjesto, Brčko

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta Bosne i Hercegovine“, broj 2/10) i članova 10. i 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 27/23 – prečišćeni tekst), a u skladu s članom 2. tačka v) Zakona o Budžetu Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 34/19 i 22/23), na prijedlog Ureda gradonačelnika Brčko distrikta Bosne i Hercegovine, broj predmeta: 05-000490/21 od 7. 11. 2023. godine, Vlada Brčko distrikta Bosne i Hercegovine, na 27. redovnoj sjednici održanoj 22. novembra 2023. godine, donosi

О Д Л У К У
О НАЧИНУ РАСПОДЈЕЛЕ СРЕДСТАВА ЗА ДОДЈЕЛУ ДОНАЦИЈА ЗА
СПОНЗОРСТВА, ОДНОСНО ПОКРОВИТЕЛЈСТВА ГРАДОНАЧЕЛНИКА
БРЧКО ДИСТРИКТА БОСНЕ И ХЕРЦЕГОВИНЕ

Član 1.

(Predmet)

Ovom odlukom utvrđuje se način raspodjele sredstava za dodjelu donacija za sponzorstva, odnosno pokroviteljstva (u daljnjem tekstu: sredstva za sponzorstva, odnosno pokroviteljstva) koje gradonačelnik Brčko distrikta Bosne i Hercegovine (u daljnjem tekstu: gradonačelnik) dodjeljuje udruženjima ili fondacijama, kriteriji za dodjelu sredstava za sponzorstva, odnosno pokroviteljstva, komisija, postupak dodjele sredstava za sponzorstva, odnosno pokroviteljstva, iznos sredstava za sponzorstva, odnosno pokroviteljstva, izvještavanje i obrazac koji je sastavni dio ove odluke.

Član 2.

(Način raspodjele sredstava za sponzorstva, odnosno pokroviteljstva)

- (1) Vlada Brčko distrikta Bosne i Hercegovine donosi program utroška sredstava za sponzorstva, odnosno pokroviteljstva udruženjima ili fondacijama u skladu sa zakonom o izvršenju budžeta Brčko distrikta Bosne i Hercegovine za tekuću fiskalnu godinu (u daljnjem tekstu: zakon o izvršenju budžeta).
- (2) Sredstva za sponzorstva, odnosno pokroviteljstva dodjeljuje gradonačelnik udruženju ili fondaciji odlukom na osnovu programa utroška sredstava iz stava (1) ovog člana i zapisnika komisije iz člana 5. ove odluke.

Član 3.

(Kriteriji za dodjelu sredstava za sponzorstva, odnosno pokroviteljstva)

Sredstva za sponzorstva, odnosno pokroviteljstva mogu se dodijeliti udruženju ili fondaciji za društvene, naučne, kulturne, humanitarne, sportske ili druge manifestacije, priredbe, skupove i događaje koji su od značaja za:

- a) Brčko distrikt Bosne i Hercegovine, međuopćinsku ili međugradsku saradnju;
- b) doprinos afirmaciji Brčko distrikta Bosne i Hercegovine;

- c) interes građana Brčko distrikta Bosne i Hercegovine;
- d) doprinos jačanju tolerancije i razvoja demokratskog društva;
- e) afirmaciju bosanskohercegovačkog identiteta i tradicionalnih bosanskohercegovačkih vrijednosti;
- f) mogućnost uključivanja u internacionalne programe kojima je cilj afirmacija Brčko distrikta Bosne i Hercegovine, kao regionalnog, kulturnog i privrednog centra.

Član 4. (Komisija)

- (1) Gradonačelnik imenuje komisiju koja vrši razmatranje zahtjeva za dodjelu donacije gradonačelnika za sponzorstvo, odnosno pokroviteljstvo (u daljnjem tekstu: zahtjev), kontrolu i praćenje izvršenja dodijeljenih sredstava za sponzorstva, odnosno pokroviteljstva udruženjima ili fondacijama.
- (2) Komisija vrši provjeru da li je za sredstva dobijena u tekućoj i prethodnoj godini podnesen izvještaj u skladu s rokom propisanim zakonom o izvršenju budžeta i da li su ista utrošena u skladu s traženom namjenom.
- (3) Komisija neće razmatrati novi zahtjev udruženja ili fondacije koja nije za dodijeljena sredstva iz tekuće i prethodne godine dostavila finansijski izvještaj o namjenskom utrošku sredstava na način propisan zakonom o izvršenju budžeta ili je komisija utvrdila da su navedena sredstva nenamjenski utrošena.
- (4) Komisija je dužna u roku od 45 dana od prijema finansijskog izvještaja za dodijeljena sredstva po ovoj odluci, izvršiti kontrolu i sačiniti zapisnik s pozitivnim ili negativnim mišljenjem da li su navedena sredstva namjenski utrošena.
- (5) Komisija dostavlja zapisnik iz stava (4) ovog člana stručnom savjetniku za finansijska pitanja i unutrašnju finansijsku kontrolu Kabineta gradonačelnika koji vodi evidenciju dodijeljenih sredstava.

Član 5.

(Postupak dodjele sredstava za sponzorstva, odnosno pokroviteljstva)

- (1) Udruženje ili fondacija podnosi zahtjev na propisanom obrascu iz člana 8. ove odluke uz koji obavezno prilaže:
 - a) aktuelni izvod iz sudskog registra, ne stariji od 30 dana;
 - b) potvrdu o broju transakcijskog računa / žiroračuna iz banke u kojoj podnosilac zahtjeva ima otvoren račun.
- (2) Komisija razmatra zahtjev u skladu s članom 4. ove odluke i sačinjava zapisnik s preporukom gradonačelniku da li se sredstva za sponzorstvo, odnosno pokroviteljstvo mogu dodijeliti.
- (3) Gradonačelnik odlučuje da li je podneseni zahtjev u skladu s članom 3. ove odluke i pismeno odobrava iznos sredstava za sponzorstvo, odnosno pokroviteljstvo i prosljeđuje Sekretarijatu Vlade Brčko distrikta Bosne i Hercegovine (u daljnjem tekstu: Sekretarijat) u daljnju proceduru.
- (4) Sekretarijat priprema odluke o dodjeli sredstava za sponzorstva, odnosno pokroviteljstva koju donosi gradonačelnik.

Član 6.

(Iznos sredstava za sponzorstvo, odnosno pokroviteljstvo)

- (1) Gradonačelnik može dodijeliti sredstva za sponzorstvo, odnosno pokroviteljstvo udruženju ili fondaciji u iznos do 20.000,00 KM u jednoj fiskalnoj godini.
- (2) Udruženje ili fondacija je dužna vratiti neutrošena sredstva dodijeljena po ovoj odluci, kao i dio sredstava za koja komisija prilikom vršenja provjere iz člana 4. utvrdi da su nenamjenski utrošena.

Član 7.
(Izvještavanje)

- (1) Stručni savjetnik za finansijska pitanja i unutrašnju finansijsku kontrolu Kabineta gradonačelnika vodi evidenciju korisnika sredstava koja gradonačelnik dodjeljuje za sponzorstva, odnosno pokroviteljstva udruženjima ili fondacijama.
- (2) Evidenciju iz stava (1) ovog člana čine:
 - a) naziv korisnika sredstava u tekućoj godini;
 - b) odluka gradonačelnika o dodjeli sredstava;
 - c) datum dodjele sredstava;
 - d) iznos sredstava;
 - e) namjena korištenja sredstava;
 - f) finansijski izvještaj o namjenskom utrošku sredstava.

Član 8.
(Obrazac)

Obrazac iz člana 5. stava (1) ove odluke je sastavni dio ove odluke (ANEKS).

Član 9.
(Stupanje na snagu)

Ova odluka stupa na snagu narednog dana od dana objavljivanja u „Službenom glasniku Brčko distrikta Bosne i Hercegovine”.

DOSTAVITI:

1. Zamjeniku gradonačelnika,
2. Članovima Vlade Brčko distrikta BiH,
3. Sektoru za koordinaciju politika i pravne poslove,
4. Stručnom savjetniku za finansijska pitanja i unutrašnju finansijsku kontrolu u Kabinetu gradonačelnika,
5. Uredu za upravljanje javnom imovinom,
6. Direkciji za finansije Brčko distrikta BiH,
7. Kabinetu gradonačelnika,
8. Sekretaru Vlade Brčko distrikta BiH,
9. Uredu koordinatora Brčko distrikta BiH pri Vijeću ministara BiH,
10. Sektoru za opće i zajedničke poslove,
11. „Službenom glasniku Brčko distrikta BiH“,
12. Arhivi.

GRADONAČELNIK
prim. dr. Zijad Nišić



Brčko distrikt Bosne i Hercegovine
 Ured gradonačelnika / Kabinet gradonačelnika
 GRADONAČELNIK
 Trg Roberta B. Owena
 Bosna i Hercegovina

**ZAHTJEV ZA DODJELU DONACIJE GRADONAČELNIKA
 ZA SPONZORSTVO, ODNOSNO POKROVITELJSTVO**

1. PODACI O PODNOSIOCU ZAHTJEVA

Puni naziv podnosioca zahtjeva:

Adresa ili sjedište:

Tel. / faks, e-mail: -

Identifikacioni broj:

Broj transakcijskog računa / žiroračuna i naziv banke:

Podaci o odgovornoj osobi:

Ime i prezime, funkcija:

Tel. / faks, e-mail:

2. PODACI O MANIFESTACIJI, PRIREDBI, SKUPU ILI DOGAĐAJU

Precizan sadržajni prikaz / opis manifestacije, priredbe, skupa ili događaja (može se i priložiti):

Navedena novčana sredstva su nam potrebna u iznosu od _____ KM, a za pokriće sljedećih troškova:

1. _____ u iznosu od _____ KM
2. _____ u iznosu od _____ KM
3. _____ u iznosu od _____ KM
4. _____ u iznosu od _____ KM
5. _____ u iznosu od _____ KM
6. _____ u iznosu od _____ KM

(Ukoliko je potrebno koristi dodatni list za pojašnjenje)

3. IZJAVE

Pod punom krivičnom i materijalnom odgovornošću:

- a) izjavljujemo da smo sva sredstva odobrena iz budžeta Brčko distrikta Bosne i Hercegovine za prethodnu godinu od bilo kojeg Vladinog odjeljenja ili institucije utrošili namjenski u skladu s važećim propisima;
- b) izjavljujemo da za manifestaciju, priredbu, skup ili događaj za koji podnosimo zahtjev gradonačelniku nismo dobili sredstva iz tekućeg budžeta od drugog Vladinog odjeljenja ili institucije koje vrše dodjelu sredstava udruženjima ili fondacijama.

Uz zahtjev dostavljamo:

- a) aktuelni izvod iz sudskog registra, ne stariji od 30 dana;
- b) potvrdu o broju transakcijskog računa / žiroračuna iz banke u kojoj podnosilac zahtjeva ima otvoren račun.

Brčko, _____ godine

potpis ovlaštene osobe i pečat udruženja/fondacije

POPUNJAVA GRADONAČELNIK BRČKO DISTRIKTA BOSNE I HERCEGOVINE	
Iznos odobrenih novčanih sredstava	
Potpis i pečat	